

РЎЗНОМА  
1930 ЙИЛ  
12 МАЙДАН  
ЧИҚА  
БОШЛАГАН



ЎЗБЕКИСТОН ЖУМҲУРИЯТИ ИИВ ҲАЙЪАТИ НАШРИ

● 132 (2396)

● 1991 ЙИЛ 2 НОЯБРЬ

● ШАНБА

● БАҲОСИ 10 ТИЙИН.

«Постда» рўзномасининг 24 октябрь кунги сониди милиция подполковниги Турсинхон Айдарович Худойбергенов Ўзбекистон Жумҳурияси ИИВ жамоат тартибини сақлаш бошқармаси бошлиғи этиб тайинланганини маълум қилгандик.



ЯНГИ РАҲБАР ИШ БОШЛАДИ

## ТАБАССУМ СЎНМАСИН

— Турсинхон ака, аввало Сизни янги лавозим билан табриклаймиз. Қолаверса, масъулиятли вазифани уддалашингизда куч-қувват ва омад тилаймиз. Энди анъанага кўра суҳбатимизни янги режалар ҳақидаги мулоҳазаларингиздан бошласак.

— Табригингиз учун раҳмат.

Шуни айтишим керакки, назаримда «Постда» орқали муҳтарам ўқувчилар билан учрашишга бир оз фурсат бор эди. Нега деганда янги лавозимда иш бошлаганимга санокчи кунлар бўлди, холос. Ҳозирча кўзга кўринарли бирор иш қилишга улгурганимча йўқ. Аммо матбуотни, хусусан бир ёшга тўлай деб қолган рўзноманингизни қаттиқ ҳурмат қилишим туфайли таклифингизни рад этолмадим.

Келинг, деразадан ташқарига бир қарайлик. Кўча тўла одам. Аслида уларнинг бирортасини ҳам танимаймиз. Лекин бегона деб ҳам айтолмаймиз. Чунки улар сиз ва бизнинг юртдошларимиз.

Улар кўчага яхши кайфият билан чиқишган. Ана, юзларида табассум. Уларнинг табассуми сўнмаслиги, кайфияти бузилмаслиги, қисқа қилиб айтганда, ҳар бир кишининг хавфсизлигини таъминлаш биринчи галда бизнинг вазифамиз.

Тўғриси айтганда, ички ишлар соҳасидаги муҳим тармоқнинг янги раҳбари сифатида режаларим йўқ эмас. Жамоат жойларида тартибни сақлашнинг бирдан-бир йўли ходимларимизнинг куч ва имкониятларидан тўла ҳамда омилкорлик билан фойдаланиш. Бунинг учун эса уларнинг шарт-шароитларини мумкин қадар яхшилашимиз керак бўлади. Қолаверса, бу мураккаб режани босқичма-босқич амалга ошириш лозим.

— Дастлабки таассуротларингиз қандай? Айтмоқ-

чиманки, жамоат тартибини сақлаш борасида жумҳуриятимиздаги аҳвол қай тарзда?

— Яқинда вазирлик ҳайъатининг мажлисида бу биринчи даражали масала сифатида муҳокама қилинди ҳамда таклиф-мулоҳазалар билдирилди. Шундан келиб чиқадиган бўлса, бугунги кунда мустақил Ўзбекистонимизнинг Фарғона водийсидаги, Қашқадарё вилоятидаги вазият хотиржам бўлишимизга асос йўқлигини кўрсатади.

Умуман айтганда, жумҳуриятимиз бўйича ҳар кун 15 мингдан ортиқ пост-патрул хизмати ходимлари кўча ва хиёбонларда, истироҳат боғларида ва шунга ўхшаш жамоат жойларида хизматга жалб этилмоқда. Олий ва ўрта махсус милиция мактаблари талабаларидан ҳамда ИИБ қарамогидagi ички қўшин ҳарбий хизматчиларидан оператив вазият қалтисроқ бўлган жойларда фойдаланмоқдамиз.

Ҳеч кимга сир эмас, 1989-90 йиллар анча-мунча оғир даврлар бўлди. Аввал Фарғона, кейинчалик Бўна, Паркент, воқеалар ҳеч кимнинг хотирасидан фаромуш бўлганича йўқ. Бу кунгилсизликлар ҳар биримиз учун аччиқ сабоқ бўлиши, яна шундай воқеаларнинг такрорланмаслиги учун қўлимиздан нимадқи келса, қилишимиз лозим.

Зиммамизга қўлатилган вазифанинг қанчалик залворли эканлигини ҳис қилишнингиз учун бир-иккита рақамларни келтирмоқчиман. Ўтган йил давомида рўйхатга олинган қонунбузарликларнинг 25 фоизи бевосита жамоат жойларида юз берган. Шуларнинг ярмидан кўпроғи безорилик, учдан икки қисми талончилик, учдан бир қисми қароқчилик ва оғир тан жароҳати етказиш, олтидан бир қисми эса қотиллик ҳамда номусга тажовуз қилиш.

Ҳозир янги раҳбар сифа-

тида қилинган ишларни таҳлил қилиб чиқайман. Жорий йилнинг тўққиз ойи бадалида юқорида мен айтган кўрсаткичлар ижобий томонга кескин ўзгариштики, бу қувончли ҳолдир. Агар ўтган йилнинг шу даври билан таққослаганда, жамоат жойларида жиноят содир қилиш 800 мартага яқин, яъни 6,8 фоз қисқарган. Бунда айниқса пост-патрул хизмати милиционерларининг хизматлари таҳсинга сазовордир. Уларнинг бевосита иштироки билан 5 мингга яқин жиноят очилди, 300 га яқин жиноятларнинг олди олинди, 450 мингдан ортиқ ҳуқуқбузарларга маъмурий чора кўрилди.

Ўз навбатида, ўйлайманки, бу ютуқларга эришиш ўз-ўзидан бўлмаганлиги кундай аён. Ходимларимиз кундузни-кундуз, кечани-кеча демай, ҳатто об-ҳаво шароити билан ҳам ҳисоблашмай хизмат қилишади. Гоҳо бошқаларнинг оромини, хавфсизлигини сақлаш учун ўз ҳаётларини хавф остига қўйган пайтлари ҳам бўлади.

Мана бир мисол. Шу йил 20 август кунини Урганч шаҳридан ташвишли ва совуқ хабар олдик. Шаҳар ИИБ пост-патрул хизмати милиционери Ражабов вазифасини адо этаётганида фалокатга дуч келди. Исмоилов деган безори уни пичоқ билан яралади. Шифокорлар қанча ҳаракат қилишмасин, билим ва маҳоратларини ишга солишмасин, 1982 йилда турилган йигитнинг ёш умрини сақлаб қолишолмади.

Бу яқинда рўй берган воқеа бўлганлиги учун ҳам мисол қилиб келтирдим, афсуски, шунга ўхшаш кишининг юрагини муз қилиб юборадиган воқеалар кўп.

Дилимга қаттиқ тугиб қўйган мақсадим — сафларимизни марҳум дўстимиз Ражабов каби бурчига содиқ ходимлар билан бойитиш. Иложи бўлса ҳар бир милиционернинг мард, жасур, бақувват ва олижаноб бўлишига эришиш.

Таассуфки, айни кунларда ҳаммани шундай деб бўлмайди.

— Сиз янги ишга янги куч-қувват билан киришдингиз. Ечимини кутаётган муаммоларни ҳам аниқлаб олган бўлсангиз керак, ҳарҳолда.

— Албатта. Бундай камчиликлардан кўз юмиб бўлармиди?!

Кўпгина ҳолларда шаҳар ва туман ижроия қўмиталаридаги ўртоқлар милиция фаолиятига етарлича аҳамият бермаяптилар. Керакли асбоб-анжомлар, улов учун маблағ ажратилмаяпти.

Соқчилик хизмати ходимлари тунги соат иккигача хизматда турадилар. Кейин уларнинг уйларига етиб олишлари учун автобус ҳам ташкил этилмаётган жойлар бор.

Телефоннинг ички ишлар соҳасида қанчалик муҳим аҳамиятга эга эканлигини изоҳлашга ҳожат бўлмаса керак. Ваҳоланки, кўпгина хизмат жойларида бундай алоқа воситаси йўқ. Уларнинг хонадонларини телефонлаштириш ҳақида гапирмаса ҳам бўлади.

— Асосан қайси туман ёки шаҳарларда шунча?

— Мен бошқармага келмасимдан олдин бир неча йил Тошкент вилояти ИИБда турли лавозимларда ишладим. Олмалиқ шаҳридаги аҳволни яхши биламан. У ерда, ишонасизми, кадрлар етишмайди. Сабаби — бу шаҳардаги заводларда ҳар бир ишчига ойига 700-800 сўмдан маош берилади, бизнинг соҳамизда эса 250-300 сўм.

Қўшни туманлардан жалб қилайлик десак, улар ҳам энг аввало уй-жой билан таъминлашисларми, деб сўрашади. Яна тилимиз қисик.

Ҳозирча жумҳуриятимиз бўйлаб юриб, мавжуд аҳволни чуқур ўрганишга улгурмадим. Лекин шундай қилиш ниятим бор. Иложи борича шу каби ўткир масалаларни ўша жойнинг ўзида ҳал этишга ҳаракат қилиб кўраман.

— Аммо милиционерларнинг маоши пастлиги масаласини Сизлар ҳал эта олмайсизларку?

— Тўғрикуя, аммо бу борадаги муаммо ҳал бўлапти. Президентимиз дардимизга малҳам қўяпти. Энди умид қилаймизки, тахминан декабрь ойларидан бошлаб ҳатто оддий милиционерлар иш ҳақи ҳам анча-мунча ошса керак.

Суҳбатимиз бошланишида айтдим, остона ҳатлаб кўчага чиққан юртдошларимиз юзидаги табассум сўнмасин деб. Бош мақсадимиз шундай. Демак, шу йўлда ҳаракат қилаверамиз.

Суҳбатдош Раҳмон АЛИ.  
Суратни И. МИНАВВАРОВ олган.

## ОЛТИНҚҮЛДА ҚҮЛГА ТУШДИ

Шу йилнинг 29 июнь кунини муқаддам судланганлар: Шарифжон Абдуназаров, Собиржон Турғунов, ҳали судланмаган Илҳом Эргашевлар ширакайф ҳолда Янгиер шаҳридаги автошоҳбехатда тил бириктириб, Юрий Мищенко деган киши билан машинасида Ильич туманига олиб бориб келишга шартлашади. 60 сўм беришларини айтишади. Улар 30-километрга келишгач, шу ердаги пивохонада яна ичишади. Сўнгра рулни Учтом йўналишига буришни буюришади.

Йўлда Шарифжон Алланазаров енгиллашиб олишлари кераклигини айтади. Машина тўхтагач, Илҳом Эргашев иккови машинадан тушиб кетишади. Қайтиб келиб қарашса, Собиржон Турғунов ҳайдовчининг томоғига пичоқ тираб турганини кўришади. У шерикларининг келганидан қувватланиб, Юраннын томоғи ва чап тиззасини кесиб юборади. Қўлидаги соатини зўрлик билан ечиб олади.

Ниятлари осон амалга ошган босқинчилар Юрага орқа ўриндиққа ўтиб ўтиришини буюрадилар. У эса қулай фурсатдан фойдаланиб қочади. Орқасидан қувиб етиша олмагач, машина рулига Шарифжон ўтиради. Кейин «қаердасан, Андижон», — деб, қўннинг расмини чизишади.

Бўлган воқеа тўғрисида Юра тезда Ильич тумани ички ишлар бўлимига хабар қилиш ўрнига Янгиер шаҳрига бориб, касалхонага ётиб олади. Тиббиёт ходимлари Янгиер шаҳри ички ишлар бўлимига, у ердагилар эса Ильич тумани ИИБга хабар қиладилар. Бир-бир ярим соат вақт бой берилади. Бу эса жиноятчиларнинг Сирдарё вилояти ҳудудидан чиқиб кетишлари учун етарли эди.

Ҳечдан кўра кеч деганлар. Зудлик билан Ильич тумани ИИБ бошлиғининг оператив ишлар бўйича ўринбосари, милиция майори Т. Аллаёров бошчилигида оператив гуруҳ тузилди. Шу куннинг ўзидаёқ милиция капитани Абдужалил Абдурахмонов, терговчи Абдусамад Усмоновлар қўшни Меҳнатобод туманига боришиб, жиноятчиларнинг шахсини аниқлашди. Жиноят қидирув катта оператив вакили Р. Маматов, милиция сержантлари У. Хидиров, А. Аҳмедовлар уларни тутиб келиш учун Андижон вилоятига жўнашди. Олтинқўллик милиция ходимларининг яқиндан берган ёрдамлари туфайли мақсад амалга ошди.

Босқинчиларининг жиний ишлари Ильич тумани халқ судида кўриб чиқилди. Улар қилмишларига лойиқ жазо олдилар.

М. ХОЛИМУҲАММЕДОВ.

Н. ҲАЗРАТҚҮЛОВ.

## ЯНА ЖАМОАТ УЛОВИ ҲАҚИДА

Кейинги пайтларда маршрутли такси вазифасини бажарувчи қизил рангли микроавтобуслар кўпайиб қолди.

Бу албатта яхши. Лекин шунини қизиқси, бўш ўриндиқлар бўлмасада, ҳайдовчилар ҳар бир бекатда тўхтаб одам олади. Ҳар бир йўловчига 40 тийинлик чипта бериш ўрнига битта 20 тийинлик ёки 10 тийинлик 2 та чипта йиртади.

«Қорасув» автобекатидан қатновчи 49-автобуслар ҳаракати эса бутунлай назоратсиз. 42-йўналиш бўйлаб юривчи таксилар ҳам шундай бежиров.

10 октябрь кунини 16-маҳаллада кеч соат 19 дан 20.30 гача 97-автобуснинг қораси

кўринмади. Наҳотки улов қатновчининг назорат қиладиган бирор жавобгар шахс вазирликда топилмаса? Ахир уларга сиз билан менинг топганимдан маош тўланса керак.

БИЗНИНГ МУСОҲАБА

ЯНГИЧАСИГА

Милиция майори Мамадиёр Бойзоқов Зомин тумани ИИБ бошлиғи этиб тайинланди.

— Милиция ходимлари халқ билан бирга экан, уларнинг осойишталигини сақлаш борасида ўз вазифаларини сидқидилдан бажаришга бурчлидирлар, — дейди М. Бойзоқов. — Ана шунинг назарида туган ҳолда қўйидаги ишларга биринчи бўлиб қўл урган маъқул, деган қарорга келдим.

Энг аввало эътиборни туман ички ишлар бўлими биносининг мутлақо талабга жавоб бермаслигига қаратиш керак. Халқда нақл бор-ку, «эскини эплагунча эсинг кетади» деган. Ҳозирча эски бинода ишлаб турибмиз. Янги бино учун 23 минг сўмлик лойиҳа-смета ҳужжатлари тайёр бўлди. Қурилиш ишларини 1992 йил бошлашни режалаштирганмиз. Бу биринчи масала.

Иккинчидан, кадрларни жой-жойига қўйиш. Улар устидан интизомни кучайтириш, жиноятчиларга, чайқовчиларга, безориларга қарши мурасасиз бўлиш.

Милиция ходимларини доимий равишда ўқув машқларига жалб этиш ниятидаман.

Учинчи масала — техника таъминотини ҳал қилиш. Зарур асбоб-анжомлар, криминалистик ўлчов воситалари етишмаслигидан содир этилган жиноятларни очиш қийин кечаяпти. Мана шу асбоблар учун 70 минг сўм пул олиш керак. Бунда, албатта, халқ ёрдамига муҳтожмиз.

Туманда жиноятчилар сони кундан-кунга охири борапти. Сизлар бунга қарши қандай ишларни амалга оширяпсизлар?

— Жиноят кўчасига кирган ёшларни кўриб хўрлигим келади. Наҳотки улар ота-она тарбиясидан чиқиб, ўғрилиқ, ичкиликбозлик, безорилиқ, фоҳишабозликни ихтиёр этсалар?

Бунинг сабабини таълим-тарбия ишларини ота-оналар мактаб жамоасига, мактаб жамоаси эса ота-оналар зиммасига юклаётганидан қидириш керак, менимча.

Мисолларга мурожаат қиладиган бўлсак, ўтган йилнинг 9 ойи давомида бир марта гиёҳвандлик билан боғлиқ жиноий иш очилди. Ходимларимиз бир уйда наша сотилиши ҳақидаги хабарни эшитишди. Дарҳол гуруҳ ишга тушди. Сирдарё вилояти Меҳнатобод

туманига қарашли қўрғонда истиқомат қилувчи Б. исмли шахс қўлга олинди. У туманимиз ҳудудида савдо қилиб, ёшларни жиноят кўчасига етаклаганди. Аммо судга ҳ. ўзини-ўзи осиб ўлдирди.

Содир этилаётган ўғирликлар ҳақида гапирсак, гап кўп.

Умуман ўтган йилнинг 9 ойида 13 та ўғирлик содир этилган бўлса, жорий йилда бу рақам 28 тага етди.

Тўғри, қаллоблар йўлга гов қўйиш масаласида камчиликлар йўқ эмас. Участка инспекторлари,

ИШЛАШ

БХСС ходимлари масъулиятни оширишлари керак. Аммо бу борада фуқаролар кўмагига ҳам эҳтиёж сезяпмиз.

Халқда «ўзингни эҳтиёт қил, қўшингни ўғри тутма» деган гап бор. Туманимизда кўпгина хонадонлар дарвозасиз, тўй ва шунга ўхшаш маъракалар кўнларида эса аксарият фуқаролар уйлари қаровсиз қолдиришади. Бу эса, табиийки, нопоклар учун айни муддао.

Яна бир томони бор. Милиция бирор жиноятни очиш жараёнида иложи борича халқ билан яқинлашишга, улардан маълумотлар олишга ҳаракат қилади. Кўпчилик фуқаролар эса тамоман бунинг акси. Сен менга тегма, мен сенга қабилида иш тутишади. Бу эса ўғрилари тумшугидан илтириш жараёнидаги ҳаракатларимизга жиддий ҳалақат беради. Милиция ходимларига халқ ёрдам берса, ўғирликлар сони бир қадар камайган бўларди. Одамлар лоқайдлиги ички ишлар бўлими ходимларининг зиммасига оғир юк бўлиб тушмоқда. Ҳар кун «Уйимга ўғри тушди», «Сигирим йўқолди», «Пулумни ўмариб кетишди»...

Хуллас, бўлинмамиз ходимларига бир кун ҳам тинчлик йўқ.

— Ким билан суҳбатлашманг, «Мактабда ёшлар чекишади, улар билан иш олиб борувчи инспекторлар қаёққа қараяпти?» — деган сўзларни эшитиб қоласиз. Бу ҳақда фикрингиз қандай?

— Жуда тўғри айтдингиз. Бу ҳақда тушаётган аризалар сони кўп.

Ўзингиз ўйланг, туманимизда 97 та мактаб бор. Уларга ажратилган 4 нафар ходимимиз, 10 дан ортқ участка инспекторларимиз камлик қилади.

Масалан, тоғ қишлоқлари (Увол, Бешкуби)даги мактабларни олайлик. Улар орасидаги масофа 10-15 километр. Инспекторлар бир мактабга борса, бошқасига улгуролмайди.

Қолаверса, ҳар бир ўқувчи чекяптими-йўқми назорат қилиш имконияти ҳам йўқ. Шундай экан, бу муаммо кўпроқ муаллимларни ташвишлантириши керак.

Кечқурун туман марказини кезсангиз, гуруҳ-гуруҳ бўлиб юрган ёшларга дуч келасиз. Ким билади, улар нима ишлар билан шуғулланади? Аммо бу билан милиция ходимларидан ташқари ҳеч ким қизиқмайди.

Ўтган йили балоғат ёшига етмаганлардан 7 нафари рўйхатга олинган бўлса, бу йил 3 нафар ўсмир рўйхатга олинди.

Ҳа, ҳали қилинадиган ишлар, ечимини кутаётган муаммолар кўп. Уларни тугатиш борасида назоратни кучайтириши милиция майори Барот Шеранов зиммасига юклаганмиз.

КЕРАК

— Туманда автофалокатлар сони ўсиб бораётганлиги ҳам ўткир муаммо бўлиб қолди. Бу маълум маънода ДАН ходимлари масъулиятсизлигидан дарак бермайдими?

— ДАН ходимлари ўз вазифаларини сидқидилдан бажаряпти, деб айта олмаман. Рақамсиз, ҳужжатсиз, ичиб рулни бошқарган мотоцикл ҳайдовчиларига нисбатан чора кўриш борасида ўта суст ишлашмоқда. Таниш-билишчилик дегандай...

Бу борада аниқ ўзгаришлар қилиш ниятидаман.

— Мамадиёр ака, бўш вақтингизни қандай ўтказасиз?

— Ички ишлар соҳасида бўш вақтнинг ўзи йўқ. Кечқурунлари рўзнома, ойномаларни ўқиб бораман. Спорт билан шуғулланиб тураман.

— Ойлангиз ҳақида ҳам икки оғиз...

— 5 нафар фарзандим бор. Рафиқамнинг исми Мавлудахон. Аҳил яшаймиз.

— «Постада» рўзномаси ва унинг ходимларига нисбатларингиз борми?

— Албатта. Энг аввало рўзнома милиция ҳаётининг кўзгусига айлансин.

Таҳририят ходимлари эса ҳамкасбларимизнинг сермашаққат фаолиятини янада тўлақонли ёритсинлар.

Муҳими тинчлик ва саломатлик бўлсин.

Суҳбатдош Илҳомжон ЮНУСОВ.

УЛОВЛАР ШАЙМИ?

Шу кунларда Наманган вилоятининг барча жамоа ва давлат хўжалиқларида етиштирилган ҳосилни йиғиб-териб олиш қизгин давом этмоқда. Маълумки бу даврда транспорт воситаларидан фойдаланиш ҳар қачонгидан ортади. Шу билан бирга ҳаракат хавфсизлигини таъминлашга бевосита дахлдор бўлган хўжалик раҳбарлари, муҳандис, техниклардан алоҳида масъулият талаб этилади.

Яқинда вилоят ДАН ходимлари ҳамма хўжалиқларда бўлиб, уловларнинг техник соғлигини текширидилар. Бу тадбир жуда кўп камчиликларни очиб ташлади.

Тўрақўрғон туманининг Москва, Намуна номли, Чуст туманининг Москва ва Энгельс, Учқўрғон туманининг Свердлов, Задарё туманининг Наманган, Гулбоғ, Янгиқўрғон туманининг Гулшан ва бошқа хўжалиқларида олиб борувчи йўлларда чуқурчалар, емирилиш, дала шийпонларидан чиқишдаги туташилларда тут дарахларининг кўриниш масофаларга ҳалақат бериши аниқланди. Шу билан бир қаторда автоуловларнинг йиғимтеримга тайёр эмаслиги қайд этилди.

Поп тумани Ленин давлат хўжалигида уловлар одам ташиш учун жиҳозланмаган, бурилиш чироқлари

ёнмайди, шиналари ишга яроқсиз, ўт ўчириш асбоблари, тиббий ёрдам кўрсатиш қўтилари етишмайди.

ДАН ходимлари ўтказган рейд давомида Чортоқ тумани Октябрь жамоа хўжалигига қарашли «ГАЗ-53» белгили 33-71 НАД рақамли улов ҳайдовчиси Д. Намолов одам ташиш учун махсус жиҳозланмаган юк автомобилда 38 нафар ўқувчини олиб кетаётгани аниқланди. «ГАЗ-51» белгили 55-36 НАД рақамли машина ҳайдовчиси А. Меҳмонов ҳам «Д» тоифали ҳайдовчилик гувоҳномасининг йўқлигига қарамай, одам ташишга мослаштирилмаган уловда 9 кишини, Уйчи тумани Комсомол жамоа хўжалигига қарашли «ЗИЛ-133» белгили 39-04 НАД машина ҳайдовчиси М. Маткаримов ҳам 32 ўқувчини қонун-қондаги ҳилоф равишда ташиётгани маълум бўлди.

Бу каби мисолларни кўп-кўп келтириш мумкин. Уларни бартараф этиш учун вилоят давлат-кооператив агро-росаноат қўмитаси, туманлардаги мутасадди ходимларнинг талабчанлигини кучайтириш керак.

Р. ҚОСИМОВ, Э. ҚУЧҚОРОВ, милиция катта лейтенантлари.



Янгиер шаҳри ИИБ паспорт бўлинмаси бошлиғи милиция майори Лера Махмутова кўп йиллардан буён милицияда фаолият кўрсатиб келади. У ўз мутахассислигини пухта эгаллаган тажрибали ходимлардан. Жамоа ўртасида обрў-эътибор топган. Бу ўз касбини ардоқлаши натижасида, албатта.

СУРАТДА: Л. Махмутова фуқаро Б. Исмаиловга паспорт топширмоқда.

Ҳ. ШОДИЕВ олган сурат.

ТАМҒА

Агар Туробжон ўша танишининг ўғитларини дарров қулоғига қўйиб олмай, дўшисини ёнига олиб қўйиб, яхшироқ ўйлаб кўрсангиз борми? Қўли қорамой бўлса нима қилибди? Тракторчининг қўли тугул, кийим-кечаги ҳам мойда. Совун қидиравериб тово-нинг тешилади эмиш. Эҳ, аттан!

... Туробжон тракторчи бўлгани билан кўпчилик орасида иззат-хурмати жойида эди. Мана энди-чи... Ҳамқишлоғи Шерали иккиси кимнингдир гапига кириб, қоровулчиликка ўтишди. Яна қаерда денг. Тошкентдаги Шумилов станциясида. Уларнинг вазифаси этиб келган вагонларнинг пломбаларини текшириб олиб, ичидаги давлат мулкнинг кўз қорачиғидек авайлаб қўриқлаш.

Шу йилнинг 19 январида автоуловлар ортилган вагонларни қабул қилаётган Шерали 2 та «ГАЗ-2410» белгили машинанинг пломбаси йўқлигини кўрди. Аммо навбатчи Қ. Урозов Шералининг кўз олдига машина ичидаги магнитофони олиб йўлга равона бўлди. Бир оздан сўнг эса Туробжон иккинчи уловдаги магнитофони ечиб олди.

Собир Раҳимов туман халқ суди қоровуллар — 22 ёшли Ш. Бектошев ва 26 ёшли Т. Ҳожиматовнинг жиноий ишларини кўриб чиқиб, ҳар бирини 3 йилга озодликдан маҳрум қилди.

Мўйдин СУФИ.

Бекатда ўтирган чолларнинг суҳбати қизигандан-қизиди.

— Давлатимизга минг раҳмат, — деди Ҳамроқул ота ва чўнтагидан носқовоғини олиб, кафтини тўлдирди, тишсиз оғзини капла очиб, тилининг тағига ташлади. Кейин яна Салим отага юзланди. — Еримизни қайтариб берди. «Мана сенга жой, хоҳласанг уй қуриб ол, хоҳласанг экин-тикин қил», — деб бу ёғини яна ўзимизга ҳавола қилиб қўйди. Ҳа, замонамдан ўргилай.

Салим ота унинг гапларини маъқуллади.

— Шундайликка шундай-куя, аммо бир томони ҳам борда. Бу қурилиш материалларини топшиш жуда қийин бўлиб кетди. Ёғоч-тахта базасидан эса битта чўп ҳам сотиб ололмайсан. Бир уй, бир дахлзани бошлаб қўйганмиз, ҳануз чала ётибди.

— Э, Салим ака, базамаза деб юрманг. Яхшиси

Холмуродга учрашинг. Ернинг тагидан бўлса ҳам топиб беради, азамат.

— Қайси Холмурод?

— Ануви маҳаллий саноат корхонасида ишлайдиган йигит-чи, машина минадиган!.. Ўша жуда қўллик-оёқли йигит, фақат нархи сал...

ПАЙТАВАГА КУРТ ТУШГАНДА

— Ҳа, майли, керак бўлгандан кейин қимматига бўлса ҳам оламизда, топилганига шукур қилиб.

Холмурод деганлари Боев туманидаги маҳаллий саноат корхонасида экспеди-тор бўлиб ишлайди. Қоғоздагина экспедитор, амалда эса мана шу корхонанинг «катта»ларидан.

Айниқса, кейинги пайтларда бу яқин депарада уни танимайдиган-билмай-

диганлар қолмади, ҳисоб. Таърифи лофи билан етти иқлимга кетди. Чунки у каби ишбилармон ҳожатбарорлар кам. Илтимос билан келувчиларни ҳеч қачон ноумид қилмаган, қуруқ қайтармаган. Кейинги қисқа муддат ичида одамларнинг «юзидан ўтолмай»

корхонага тегишли 4 минг 597 сўм 12 тийинлик материалларни сотиб юборган.

Ана шундай таъриф-тавсифлар Салим отага олам-олам ишонч бағишлади. Хаёлан дангиллама уйни қуриб битирди...

У корхонага ҳавойи орзулар билан кириб келдию дастлаб гангиб қолди. Гўёки арининг уяси бузилгандек эди. Ҳар ким ҳар қаёққа шошади. «Ҳаҳ, тиниб-

Сиддиқ СУЛАЙМОНОВ.

# ‘МЕН ШАЙТОНМАН!’



Тун ярмида чақалоқ йиғлади. Ширин уйқуда ётган она кўзларини ишқалаб ўрнидан турди. Унга кўкрак тутди. Лекин чақалоғи барибир йиғидан тўхтамади.

Онаизор энди алла айта бошлади. Майин ва ёқимли алла! Гўдак уни тушунмасда, оҳангги ёқдими, ҳарқалай мунчоқдек кўзларига уйқу ина бошлади.

Ниҳоят, Валентина уни ўрнига ётқизиб қўйдида, ўзи ҳам кароватга чўзилди.

Бир пайт гурсиллаган товушни эшитиб, кўзларини ярқ этиб очди. Шундоққина каровати ёнида серрайиб турган кўланкани кўриб, бутун аъзой-баданига титроқ кирди. Бўйи баланд бу кўланка бир қарашда одамга ўхшар, оёқ-қўлли, кўзлари бор, аммо оғиз-бурни кўринмасди.

— Кимсан? — деди Валентина аранг ўзини қўлга олиб.

— Шайтонман! Жим ёт! — кўланка шундай дея унинг томоғига пичоқ қадади. Бечора аёлнинг унинг амрига бўйсунибдан ўзга чораси қолмади.

Хонада яна икки нафар шарпа пайдо бўлди. Улар тинмай у ёқдан-бу ёққа юришар, афтидан нималарнидир қидиришарди. Серванту шкафлар бирма-бир очилди.

— Чироқни ёқиб юбор, ҳеч нарса кўринмаяпти! — деди улардан бири.

Чироқ ёқилиб, хона ёришгандан кейингина уй бекаси уларнинг кимлигини фаҳмлаб етди. Ниқоб кийган ўғрилари!

Ўзини шайтон деб таништирагани Валянинг бўйнига ҳамон пичоқ тираганча қилт этгани қўймай турарди. Икки нафар шериклари эса бир зумда қўлга илинадиган буюмларни тўплаб олишди.

— Бўлдими? — сўради «шайтон».

— Ҳа.

— Ундай бўлса, ҳаммасини олингларда, мени ташқарида кутинглар!

Шериклари унинг буйруғига итоат қилишди. Аммо эшик қолиб, деразадан чиқиб кетишди.

— Энди ўрнингдан тур! — деб буюрди «шайтон» уй бекасига. Кейин ундан бор пулини чиқариб беришини талаб қилди.

Валентина китоб орасида сақлаётган юз сўмини титрақлаб узатди. У эса пулни чўнтагига гижимлаб тикди.

— Энди кийимларингни еч! Худди онадан янги туғилгандай бўлишинг керак!..

Орадан ўн-ун беш дақиқа ўтди. Ҳафсаласи пир бўлган «шайтон» тақдирга тан берди шекилли:

— Майли, кийиниб ол, биз билан кетасан! — деб тўнгиллади.

Уй бекаси шуни кутиб турган эди. Эшикни очдию учун унда узоқ бўлмаган синглисининг уйига югурди. Ҳайтовур боқинчи ортидан қувламади. Эҳтимол, ишнинг пачава бўлиши мумкинлигини ўйлаб, қочиб қолишни афзал кўргандир.

Собир Раҳимов тумани ИИБ ходимларининг тадбиркорлиги туфайли «шайтон» ва унинг гумашталари ҳибсга олинди. Ниқоблар ечиб ташланди.

Улар кимлар экан, дейсизми? Марҳамат, танишинг.

«Шайтон» — 1965 йилда туғилган, Тошкент туманидаги Ҳасанбой қишлоғида, яна ҳам аниқроғи Беруний кўчасидаги 65-уйда истиқомат қилиб келган, жумҳурият 2-руҳий касалликлар шифохонасида санитар бўлиб ишловчи Ҳамид Зондов бўлиб қичди.

Унинг иккинчи шериги Исмоил Сафаров. У 1972 йилда туғилган. Ҳамид яшайдиган кўчадаги 13-уйда истиқомат қилиб келган. Ҳеч қаерда ишламайди, бекорчи.

Икковлон балоғатга етмаган Р. Юлушевни йўлдан уришган ва ўзларига шерик қилиб олишган.

— Маст эдик, адашиб-миз. Кечиринглар, — деди Ҳамид суд мажлисида.

Суд раиси эса унга қуйидаги саволни берди.

— Судланувчи Зондов, айтингчи, сиз жабрланувчининг номусига тегдингизми-йўқми?

— Уни ечинишга мажбур қилганим рост. Аммо кароватда ётган чақалоғини кўриб, фикримдан қайтдим.

— Жабрланувчи, судланувчининг кўрсатмаси тўғрими?

— Унчалик тўғри эмас, — деди Валентина кўзларини ерга қадаб. — У ҳаракат қилиб кўрди, аммо...

Улар олиб кетган буюмларини қайтариб олдим. 1 минг 568 сўмлик. Аммо ўғрилари қонун нимани талаб қилса, ўша жазони олишлари керак.

Шундай бўлди ҳам. Улар Ўзбекистон жумҳурияти жиноят мажмуасининг бир неча моддаларига асосан айбдор деб топилдилар. Ҳамид Зондов 9 йил, Исмоил Сафаров эса 6 йил муддатга озодликдан маҳрум этилди. Иккинчи судланувчига тегинчи мол-мулк давлат фойдасига мусодара қилинадиган бўлди.

Шундай қилиб, «шайтон» ва унинг ҳамтовоғи «дўзах»га тушди.

Ҳолмуҳаммад МУИДИНОВ, милиция старшинаси.

## БЕҲАЛОВАТ ҚАЛЪ ЭГАСИ

Озод бугун ҳам ишдан кеч қайтди. Қизи Дилфуза Мадамин исмли бир кишининг тўйга таклифнома ташлаб кетганини айтди.

Озод таклиф қоғозини қўлига олarkan, ўйга толди.

... 1983 йил эди. Мадамин топган-тутганига ичадиган одат чиқарганди. Унинг ўртоғи дўконда сотувчи бўлиб, баъзан қарзга ҳам бераверарди. Ҳар куни кайфи тароқ уйига қайтар, алламаҳалгача жанжал тинмасди.

Озод уни икки марта вақтинча қамаб ҳам қўйганди. Шу-шу Мадаминнинг уни кўришга кўзи, отишга ўқи йўқ эди.

Бир куни телефон жиринглаб қолди. Мадаминнинг рафиқаси йиғлаганча зорланарди.

— Тезроқ келинг! Қўлида милтиқ, отиб қўяди.

Озод зудлик билан воқеа жойига етиб келди. Мадамин милтиқни қайночасининг кўрагига тираганча ҳаммани бўралаб сўқарди. Озод додираб қолмади. Эпчиллик қилиб Мадаминнинг қўлидаги милтиқни пастга босди ва тортиб олди. Бу қилмиши учун жазосини олган Мадамин анчагача Озоддан хафа бўлиб юрди. Аммо вақт ўтиши билан хатосини тушунди. Ичиди ҳам ташлади. Ўша кунги воқеани эсларкан:

«... Яхшиям Озод келиб милтиқни тортиб олгани. Сал қолганда икки одамнинг қотилига айланиб, ўзимни ва фарзандларимни хор қилардим-а...» — дейди.

Мана бугун эса ўғлини уйлантиряпти. Шу ерликлар ҳалгача «Мадаминнинг Озод одам қилди», — деб юришади.

Озод Жуманиёзов 1976 йили Тошкент Давлат до-рилфунунининг амалий математика ва механика куллиб-тини тугатгач, Гурлан туманида муҳандис бўлиб ишлаб бошлади. Унинг ички ишлар идораларига келишига қайночаси И. Ниёзматов сабабчи бўлган десак янглишмаймиз.

ИИБда 32 йил меҳнат қилган Иброҳим ака ўз касби ҳақида фахр билан гапирар экан, Озоднинг ихлоси ортиб борарди.

Ниҳоят, 1980 йили вилоят ИИБга ишга ўтди. 1983-87 йилларда «Коммуна» номли жамоа хўжалигида участка вакили, катта инспекторлик вазифасида хизматини давом эттирди. Тошкент милиция олий мактабида сирдан таълим олиб, билимини чуқурлаштирди. 1989 йилдан бери Гурлан тумани ИИБ бошлиғининг ўринбосари лавозимида ишлаб келмоқда.

Озод Жуманиёзов билан бўлган суҳбат бўлимдаги мавжуд муаммоларга бориб тақалди.

— Маълумки, «Милиция, идораларини криминал ва муниципал ислоҳ қилиш тўғрисида» қарор чиқди. Уни амалда тадбиқ қилиш талаб даражасида эмас.

Туман ИИБда 80 нафар милиция ходими бўлса, бор-йўғи уч кишидагина осма рация бор. Бу оператив ҳаракатга салбий таъсир қилмай қолмайди, албатта, — дейди куюнчаклик билан О. Жуманиёзов.

Озод раҳбар ходим бўлишдан ташқари Эшимжирон қишлоқ кенгашининг ноиб ҳамдир. Аҳолининг ишончини оқлаш мақсадида тинмай меҳнат қилади. Улар берган нақзаларни бажариш учун бор кучини сарфлайди, вақт билан ҳисоблашмайди. Халқ ишончини қозониб яшайтган О. Жуманиёзов каби фидойи кишилар билан ҳар қанча фахрлансан арзийди.

М. НАВРУЗАЛИЕВ.

## ВОЙ, МУҒОМБИР-ЕЙ...

— Чўнтагингиздаги нарсани — наркотик моддани кимдан ва қаерда сотиб олдингиз?

— Мен бунинг наркотиклигини билмаганман.

— Унда қандай қилиб қўлингизга тушиб қолди?

— Ўртоқларим билан озгина вино ичиб, уйга қайтаётгандим. Сал-пал кайфим бор эди. Йўлда, эшигимнинг нақ тагида бир ўроғлик нарса ётган экан. Пулмикан, деб ўйладим. Очиб қарасам... Энди қоғозга ўраб бир тортигимда оғайниларим Эркин ва Олеглар келиб қолишди. Топилмани чўнтагимга беркитдимда, улар билан даҳани айлангани кетдим. 20-30 метр юришга улгурмай милиция ходимлари бизни ушлаб, бўлимга келтиришди.

Александр бир оз сукут сақлагач қўшимча қилди.

— Ундан кейин мана судга беришди ишимни.

Вой, Александр қурмагур-ей. Гапини қаранг. Эшигининг нақ тагига кимдир наркотикни ташлаб кетганмиш. Милиция ходимларини лақиллата олмаган бу йиғит судни лақиллатмоқчи-я! Ахир ашвёй далиллар гап-

ларининг гирт ёлгонлигини тасдиқлаб турибди-ку. Вой муғамбир-ей. Еш бўлса ҳам бало экан-а!


Аслида Александр Журилгари ҳам судланган. Ўғрилиги ва наркотик модда учун. Ушанда 17 ёшда эди. Аммо ёшлиги, дарёдай оққан кўз ёшлари, шаъни-ғурурини ўртага қўйиб қилган тавба-тазарруларига ишонган суд 2 йил жазо белгилаб, ҳукм ижросини шунчага кечиктирганди. Икки йил ҳам ўтди-кетди.

Шу муддат ичда жиноятдан ўзини аранг тийиб юрганидан ёрилиб кетмагани-чи. Э, шошманг, 1989 йилнинг 25 ноябрида судланган экан. Йўқ, ахири ёрилибди-да.

Ўша куни Александр сотиб олаётган нарсасининг марихуана эканлигини яхши биларди. 10 граммлигини ҳам.

Пойтахт шаҳар Акмал Икромов тумани халқ суди Александр Журнинг ёлгонини ойдинлаштириб, бир ярим йил берди. Аммо ўтган галгисидан қолган «меросни» қўшиб, умуман икки йилга озодликдан маҳрум этди.

Нур БАДИА.




Оққўрғон тумани ИИБ навбатчилик қисмида туну-кун телефон қўнғироғи тинмайди. Унинг устига бу ерга ташриф буюрувчиларнинг ҳам сони талайгина.

Туманда содир этилаётган жиноятчиликка кескин зарба беришда навбатчилик пультада ўтирган осойишталик посбонларининг ҳам ҳиссаси каттадир.

СУРАТДА: (чапдан) милиция капитани Сайдулла Ахилбеков ва навбатчи ёрдамчиси милиция старшинаси Мирзаҳаким Абдуҳакимов иш устида.

Ҳ. ШОДИЕВ олган сураат.

# Шанба учрашувлари



## ЙЎЛДАГИ

### ЙЎЛ-ЙЎРИҚЛАР

— Узингдан олдин бораётганини кўзинг етсагина кўзиб ўт, бўлмаса қўй, шарманда бўласан...

— Узингни тўхтатолмасанг—тезлашма, пешонанг гурра бўлиши мумкин.

— Бурилишларда ўзингни бос, тагини оёгинг осмондан келиб ўтирмасин...

— Ҳар қандай дабдабада бўлсанг ҳам пиёдага йўл бер.

— Чорраҳаларда ҳушёр бўл: бирортаси келиб биқинингдан туртиб юбормасин...

— Беҳавф юраман десанг—олдинга ҳам қара, орқанга ҳам...

— Ҳар кўчага кириб кетавермасдан сўраб-суриштирган маъқул: тагини боши берк кўчага кириб қолсанг, қайтиб чиқишинг гумон-а...

— Умуман кўчани катта холаминг чорбоғи деб ўйлаган қаттиқ янглишади...

## ҚИЛМИШ-ҚИДИРМИШ

Қизилиштон қурт тушган дарахтга қўниб «тўқ-тўқ» қилиб тақиллата бошлади.

— Ким керак? — деди Қурт ичкаридан.

— Дарахт бечорани кемириб ётган текинхўр керак. Чиқсин буёққа, ишим бор, — деди Қизилиштон.

Қурт қавагига минг беркинсин — бекор...

**ҚАРҒА БИЛАН ПИШЛОҚ**  
(Криловдан бошқача)  
Дарахтга қўниб турган

## ҚИДИРИЛМОҚДА

Қирғизистон жумҳурияти Уш вилоятининг Лайлак тумани ИИБ томонидан 1975 йилда Исфана қишлоғида туғилган, А. Навоий номи ўрта мактаб ўқувчиси, рухий бемор Анвар Ибодуллаевич Аҳматов қидирилмоқда. У шу йил 22 октябрь кунин уйдан чиқиб кетганча домдараксиз.

Уша кунин у қизил рангли катта кўйлак, қора шим, қора туфлида бўлган. Бўйи 165 сантиметр. Алоҳида белгилари йўқ.

Шубҳасизки, муштарийлар иқтидорли ҳажвчи Мухтор Худойкуловни яхши танишадди. Унинг ичакузди асарларини мароқ билан ўқишган. «Коса остида нимкоса»си бор масалларини мутолаа қилиб, ўйланиб қолишган. Айримларнинг жаҳли чиқиб масалчидан хафа бўлган бўлиши ҳам табиий. (Муаллифни кимларгадир ёмон кўрсатмаган масал масалми?)

Мухтор ака айни чоғда Тошкент давлат дорилфунунининг журналистика куллиетида муаллимлик ҳам қилади. (Қуруқ кулгу билан рўзғор тебратиш кўп қийин). Ҳозирги кунда ўзбек матбуоти оғир аравасини судраб бораётганлар аксариятининг устози шу киши бўлади.

Хуллас ҳажвчи, масалчи, устоз Мухтор Худойкулов таҳририятимиз меҳмони.

## ШЕЪРИЙ МАСАЛЛАР

### ТУЛКИ БИЛАН БЎРСИҚ

Тулки билан Бўрсик анчадан буён Яшардилар қўшни — девор дармиён. Ҳаммага-ку маълум Тулкининг дарди, Бўрсик ҳам, ишқилиб, турмасди қараб,

Ҳар кунини ўл кезиб, терлаб, хансираб

Гоҳ сичқон келтирса, гоҳида юмрон, Оила тебратиб кунин ўтарди.

Ахир, ҳаракатдан дерлар баракат, Бўрсикбенка эса чимрилар фақат: «Тоғиб келяпман, деб юрибсиз сиз ҳам,

Тулкиларни қаранг — егани товуқ, Зиёфат бўлмаган бирорта кун йўқ.

Кеча Тулкининг уйига кирсам — Тахмони тўлибди парқув болишга, Иссиқ пар тўшаклар қоплабди қишга,

Ҳар кун қоп-қоп товуқ обкелар эри, Бизникида бўлса, нуқул хом тери, Болалар бир тишлам товуқ гўштга зор...»

(Жуфти-ҳалолнингиз шундай сайраса, Ҳар кунини эғовлаб, тинмай қайраса — Охири ҳар ишга кўнасиз ночор...)

«Хўш, ўша Тулкидан бир жойим камми,

Олғирликда ундан ўтказмасамми» — Дея Бўрсик кирди товуқхонага

Ва битта семизин тортиб панага — Энди ура қочиш пайда эди,

Бирдан пайқаб қолиб хонадон ити — Уни шартта босиб, пийпалаб кетди.

Нақ узиб олдиёв, хийлача этни, У ёғи не бўлди — билганимча йўқ,

Лекин адабини хўб еди Бўрсик.

\*\*\*

Ҳа, қўшнинг кўр бўлса кўз қису, бироқ — Агар ўғри бўлса — юр ундан йироқ.

Баланд дарахт устида шохчага ёпишганча Ҳалинчак учгандай бир Қурт чайқалар эди,

Бир Лочин учар экан ундан юксакда анча —

Кўзи тушдию, Қуртга масҳара билан деди:

«Эй бечора, жудаям чекибсан-да эзият, Лекин шу қадар баланд ўрмалашдан нима наф? У з эркинг, ихтиёринг ўзингда эмас фақат, Шох қаёққа эгилса эгиласан қалтираб».

**ЛОЧИН ВА ҚУРТ**  
(И. А. КРИЛОВДАН)

«Қудратли қанотинг бор, парвоз этасан кўкда,— Дея жавоб қилди Қурт,— мазохлаш сенга осон, Сеникидай куч-қувват, не қилай, менда йўқ-да, Ёпишқоқлигим билан сақлайман-да бунда жон».

## НАСРИЙ МАСАЛЛАР

Қарғанинг оғзидаги пишлоқни кўриб, Тулки уни гапга солмоқчи бўлди:

— Қарғажон, бир сайраб бермайсанми?

— Ишингни қил, — деди Қарға оғзидаги пишлоқини маҳкам чангаллаб туриб. — Бунақа пишлоқни пештахталардан тоғиб бўлсан, мен буни «Гастрономторг» директориянинг дастурхонидан илиб қочганман...

**ЗИРАПЧА**  
— Ҳаҳ, одамлар ҳам қизикда, — деди Зирапча.— Зигирдеккинаману бирор жойларига санчилгундек бўлсам, албатта, олиб ташлашмагунча тинчишмайди-я...

— Сен инсонга азоб берасанда, — деди Қисқич уни олиб ташлаётиб.

**ТУЛКИНИНГ ДУМИ**  
— Сенга бунақа узун думнинг нима кераги бор? — деб сўрашди Тулкидан.

— Ахир, эзини йўқотадиган думимда, — деди Тулки.

**ЮҶО**  
— Мени йиртқич деган гаплар ғирт тўхмат. Кунини зўрға кўриб юрган бир бечораман. Менинг ҳеч

## ЧЎРТАН

(И. А. КРИЛОВДАН)

«Ҳовузда ҳеч кимга кун йўқ дастидан», Деб судга берилди ўткиртиш Чўртан. Ишботу далиллар бир арава бор, Таомилга кўра мана, айбдор — Келтирилди катта жом-тоғорада, Ҳакамлар йиғилди. Яқин орада — Утлоқда ўтлашиб юрарди улар, Номлари то ҳануз ҳужжатда турар: Ким экан десангиз, иккита Эшак, Бир жуфт Қирчангию, уч Эчки бешак.

Тартибга биноан назорат учун Тулки айбловчи этилди шу кун. Ҳар хил «миш-миш» юрар одамлар аро:

Чўртан Тулки билан азалдан ошно, Етказиб туради балиқ гўштини, Турган гапки, қўллар дўстини... Аммо қаттиқ туриб олди ҳакамлар, Хуллас, бу сафар — Чўртанни оқлашга бўлмади илож, Хукмга қўл қўяр Тулки ноилж: «Қўйилган жами айб тўғри топилсин, Гуноҳқор баланд бир шохга осилсин».

«Мухтарам ҳакамлар! — дер шошиб Тулки, — Менда бир таклиф бор, мазмуни шулки — Бундайин каззобни осин эрур кам, Ибрат олсин учун жами муттаҳам Бир жазо қўллайллик-кўрмаган ҳеч ким,

Айбдорни дарёга гарқ этмоқ лозим». «Жуда соз» — Ҳакамлар маъқуллар бир тан

Ва шу дам дарёга ташланди Чўртан.

## ЎЖАР ТЎНҒИЗ

Бир тўнғиз кучига сиғмай ирғишлаб, Дуч келганни тепиб, хириллаб, тишлаб,

Ҳамсоя боғига бостириб кирди, Топтади, булғади — не қилса қилди. Қўшиллар инсофга чақираб уни Дейишди: «Бас қил-е, бундай ғулунин, Бировнинг боғини қилмасдан пайҳон Чик бундан, бор бўлса сенда гар виждон.»

Тўнғиз-чи, тўнғиз-да. Кўнмади гапга, Чийиллаб, ташланиб гоҳ ўнг, гоҳ чапга — «Ҳаммангни тилкалаб ташлайман!» — деди.


Оқибат, бошидан зўр сўйил еди...

## ФИЛ БИЛАН ТУЛКИ

— Жами жониворин алдаб кетаман, лекин Филга ҳунарим ўтмайди-я, — деб ҳайрон бўлди Тулки.

— Чунки у — Филда, — дейишди унга.

М. ХУДОЙҚУЛОВ.



Тошкент жанубий шохбека-ти ички ишлар бўлими томонидан 1929 йилда Хоразм вилоятида, аниқроғи Урганч туманида туғилган, шу пайтга қадар Урганч шаҳри, Бирюзов кўчаси, 10-уйда истиқомат қилиб келган Амин Абдуллаев қидирилмоқда.

У шу йил 2 октябрь кунин қариндешлари билан мазкур шохбекатга келган ва қаёққадир кетиб қолган.

Белгилари: бўйи 180 сантиметр, озгин, юмалоқ юзли, сочлари оқарган, пешонасида сочи кам, мўйлови, қошлари оқарган, қиррабурун, лаблари юпқа, иягида чуқурчаси бор, қулоқлари керирилган ва кўзлари қора.

Бедарак йўқолган кунин у оч жигарранг дўппи, кулранг



жемпер, қўнғир пиджак, оқ пахтали кўйлак, қора шим, боғичли қўнғир рангли туфлида бўлган.

Қуйидаги суратда унинг 45 ёшдаги пайти акс эттирилган.

Бу шахслар ҳақида бирор маълумотга эга бўлган фуқаролардан «02» рақамли телефон орқали ўзларига яқин милиция идораларига хабар қилишларини сўраймиз.

Ўзбекистон жумҳурияти ички ишлар вазирлиги раҳбарияти ва шахсий таркиби Жиззах вилояти ички ишлар бошқармаси бошлиғи полковник Қано Момовга онаси Пўлатой ОСТОНОВАННИНГ вафот этганлиги муносабати билан чуқур таъзия изҳор қилади.